

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

LVIII. Jmpetitus de simonia, iurare debet, quod nec ipse, nec aliis pro eo,
se sciente, precium dedit. Item, purgatores debent iurare, quod credunt
ipsum verum iurasse.

urn:nbn:de:hbz:466:1-15588

ALEXANDER LATERANENSE III. FRIDERICVS I.
P. III. IMP. 755

ANNO CHRISTI 1179. nu sūi ordinis, & quarta manu abbatum & religiosorum sacerdotum, de prædicta simonia in vestra præsentia se expurget. Porro purgationis tenor erit hic: Idem episcopus super sancta Dei euangelia iurabit, primum, quod pro ecclesia sancti Petri de Paio, a presbytero Paulo de Ada, neque per se, neque per submissam personam, nec pro eo alius, se sciente, precium acceperit. Deinde vero purgatores iurabunt super sancta Dei euangelia, quod ipsi credunt verum esse quod ipse iurauerat.

CAP. LVIII. * Exonienſi & * Couetrenſi episcopis.

* Matthæi clerici accepimus, quod cum ipse ab ecclesia de Gundune, fuisset violenter eiectus, &c. usque in finem, ibi: Cum sanctuarium Dei non possitiure hereditario possideri.

CAP. LIX. Alexander III. Cenomanenſi episcopo.

Ex literarum tuarum tenore perpendimus, quod F. latlor præsentium in subdiaconatus officio constitutus, quandam sibi in coniugium copulauit. Vnde tu, sicut vir discretus ac prouidus, ipsum eamdem quam in vxorem duxerat, abiurare fecisti. Super quo facto prudentiam tuam in Domino commendamus, per præsentium scripta tibi mandantes, quatenus si ad canonicum, vel monasticum ordinem transire voluerit, post septennem poenitentiam in clauistro laudabiliter peractam, si tibi, vel successori tuo idoneum visum fuerit, eum ad maiores ordines promoueri concedas. Quod si ad religionem se tranferre noluerit, eum nec in subdiaconatu ministrare, nec ad vltiores ordines permittas promoueri; in minoribus tamen ordinibus poterit ministrare.

CAP. LX. Idem Cantuarienſi archiepiscopo.

Ad extirpandas successiones a sacris Dei ecclesiis, studio totius solitudinis debemus intendere: te etiam decet ad hoc vigilem curam adhibere, ne circa ministerium suscepisti regiminis videamur minus diligentes existere, si vitia in ecclesiis vel in ecclesiasticis viris permiserimus pullulare. Inde est quod fraternitatii tuae per apostolica scripta mandamus, quatenus si qui filiorum clericorum

Concil. Tom. 27.

CCCC ij